

Swnjcienz Minzczuz Vwnzva Cauxguh Daegsaek Hagdangz

传承民族文化 创建特色学校

——Geiq Dwzbaui Yen Duh'anh Yangh Cunghsinhyau Hong Cuengh Gun Song Saw Vah Sonhag

□ bonjbauq gicej Suh Gyahgvai dunghsinyenz Hij Cicwngz



▲ Gyoengq lauxsae doxcomz hai sawson yaubwnj yenzdaujvei.

▲ Gih gyauyuzdingh Lingz Hinghningz yizsinj daengz ndaw hagdangz sonyinx hong sonhag.

▲ Gyoengq gyauyuz conhyah Gyahnazda daengz hagdangz diuyenz caemhcaiq caeuq saeseng hab'ingj.

Dwzbaui Yen Duh'anh Yangh Cunghsinhyau youq bi 1936 laebbaenz. Bi 2007 saedhengz Sawcuengh haeu hagdangz sonhag sawqniemh. Ngamq hainduj, aenvih mbangj bohranz lijgaj loengloek, laihnaeuz seizneix cungj dwg yungh bujdunghva bae gyaulouz lo, caiq hag Sawcuengh di ndeu cungj mbouj miz yungh, lij gojnwngz caeuq Sawgun gyonjgyaux, yingyangj hag Sawgun dem. Gyoengq bohranz cungj mbouj nyienh soengq lwg swheij bae hag Sawcuengh. Cimdaij cungj cingzvang neix, hagdangz laebbaenz le gunghcoz lingjdauj siujcuj, doenggvaq haeu mbanj haeu ranz bae liujgaj, gvangqlangh bae cimhra comz au sevei gak gyaiq gak cungj yigen, daengzlaeng doengzaez nyinhnaeuz: Daj yisuz gyauyuz ndawbiengz guh aen bingzdaiz, yungh byauhcuinj Vahcuengh gangj gojgaeq, yengyangj doxdax daengj hingzik guh bangbouj, cauxguh hagdangz vwnzva fwnveiz. Riengzdwk hangh hong neix ndaej haeujlaeg bae hengzguh, danhfanz boux lauxsae lawz cizgiz gyahaeu hangh hong neix ndawde bae, gak gaep lingjdauj cungj au ndiepcingz bae cihciz. Gyoengq bohranz hix roxdaengz, hauilai minzczuz vwnzva maenhndei ndawbiengz riengzdwk ndwenngoenz doxbae ciemhciemh deng gyoengqvunz lumzlangh bae liux lo. Ndigah, hagdangz lingjdauj gaem ndei aen gihvei neix, doenggvaq gak cungj roenloh bae vatgud cingjleix, swnjcienz minzczuz vwnzva maenhndei de, youq gwnz sevei cauxguh fwnveiz, hemqswenj minzczuz yisiz caenhvaij ndiusingj gvaqdaej. Youq geij bi neix ndawde, hagdangz gaengawq saedcaeq, giethab baihgwnz anbaiz, cizgiz cujiz guh gak hangh hozdung, guh ndei hong senhconz fatdoengh. 2012 nienz 6 nyied 8 hau, hagdangz youq cwngfuj, sevei gak gyaiq yinzsw, daegbied dwg Gvangjsih Gyauhdungh Cizdonz haenqrengz cihciz caeuq

bangfuz lajde, guhbaenz le aen duzsuhgvaj yungz haeu yenzsu minzczuz vwnzva he. Laebbaenz aen ban lwgnyez swnjcienz Heiquengh ndeu, youz hagdangz lauxsae cujiz hagseng aen ban neix gag bien gak yienj "go doiqfwen", "haenh hagdangz" song cit Heiquengh daij miz minzczuz vwnzva noengznd neix, camgya daengx gih byauhcuinj Vahcuengh caizyi byaujyenz seiz, song cit Heiquengh neix cungj aeundaej it daengj ciengj, ndaej daengz gak gaep lingjdauj caeuq gyoengq vunzmbanj Duh'anh gauhdu haenh ndei, caemhcaiq daihlig cihciz gij hong hagdangz. Guekgya Minzveij, Sinhyahboh gyoengq conhyah daengz hagdangz gaujcaz seiz, bingzgyaq hix gig sang. Seizneix, aen ban lwgnyez swnjcienz Heiquengh neix gungh miz 40 boux lwghag, haibanh miz Heiquengh Dwzbaui Lohnamz, yienzndokmax, fwen daengj geij aen yaubwnj goqewngz.

Youq vatgud beizyangj lauxsae aen fuengmienh neix, hagdangz lingjdauj it fuengmienh dawz minzczuz vwnzva lauxsae roxnaeuz gij lauxsae haenggyaez yinhyoz, diyyuz, meijisuz, vujudau daengj beizyangj baenz minzczuz vwnzva ndawbiengz lauxsae, ra gihvei baij gyoengqde ok rog bae gyaulouz hagsib, daezsang gij goengfou gyoengqde. Lingh fuengmienh, gaengawq sonhag saedcaeq, daengz ndawbiengz bae cimhra vatgud yisuz lauxsae. Vih hawj hagseng liujgaj gij goengfou goeknduj guh yienzndokmax Bouxcuengh, hagdangz lingjdauj bae daengz gwnzgai Duh'anh, cingj goenggeq Ginz Fungh daej ndaw hagdangz soncienz goengfou guh yienzndokmax; Heiquengh Dwzbaui Lohnamz, vujudau, yienzndokmax ngodyienj, eufwen daengj, cix gonqlaeng bae iucingj Fan Yizyiz, Loz Vaizgwnh, Ginz Fungh, Lij Sinhsau, Lij Sinhgoh daengj yiyinz ndawbiengz caeuq yienh Duenzheiquengh

donzczangj daej son, bang hagdangz beiqyangj le buek hagseng guzgan maenhndei ndeu, vih hagdangz swnjcienz minzczuz vwnzva laeb roengz le goenglauz hungraeuh.

Doengzseiz, aen hagdangz neix gaemdawz gyauyuz cizlieng aen cungsim neix, dawz hong sonhag caeuq swnjcienz vwnzva maenhndei doxgiethab, dawz gij saeh lwgnyez gyauyuz gyoengq beksingq ceiq gvansim haenx giethab hwnjdaej, soucomz gyoengq beksingq doiq gij hong ndaw hagdangz daezok gak hangh yigen caeuq genyi, doengzseiz doiq lwgnyez louzsouj, lwgnyez aenranz dancan, ranz gungzhoj bae doxdaij bangcoengh. Gij banhfap neix, gawq soucomz ndaej swliu, youh ndaej bangcoengh beksingq, engq ndaej daengz sevei gak gyaiq haenh ndei.

Aenvih youq swnjcienz minzczuz vwnzva ndawde cingzcik yienhda, Duh'anh Yangh Cunghsinhyau gonqlaeng ndaej bingz guh Daengx Gih Cuengh Gun Song Saw Vah Sonhag Saedniemh Hagdangz, Daengx Gih Minzczuz Vwnzva Gyauyuz Sifan Hagdangz, caemhcaiq gonqlaeng aeundaej Daengx Guek Youhsiu Gohyenz Cwnzgoj it daengj ciengj, Daengx Gih Gyauyuz Gohyenz Senhcin Danhvei, Baksak Si "Vwnzmingz Danhvei", "Song Gih Gunghcoz Senhcin Cizdij", Dwzbaui Yen "Senhcin Gihcwnz Dangcujiz", "Fouz Doeg Danhvei" caeuq "Senhcin Donzcihbu" daengj cwnghauh miznaj.

Dangqnaj, Duh'anh Yangh Cunghsinhyau gyoengq saeseng cingq saenqsim cibcuk, gaen hwnj yamqdin seizdaih, haicaux baenaj, mboujduen daezsang hagdangz banhhag suiyingz caeuq banhhag yauiy, haenqrengz daezswng gyauyuz sonhag cizlieng, banh baenz aen hagdangz hawj dangj caeuq yinzminz habhoz ndeu!



▲ Hagseng ban swnjcienz Heiquengh caeuq gyoengq lingjdauj Baekging daej ngonzyawj haenx hab'ingj.



▲ Hagseng ban swnjcienz Heiquengh camgya caizyi veiyen.



▲ Baihnamz Guengjsae Sawcuengh "ngeih loih" mosik sonhag goqdamqra youq aen hagdangz neix gawjhengz.



▲ Hagseng youq gwnz daizheij hagdangz baijyienj dinfwngz minzsug.